

# ҮНЭГЭН, ШАНДАГАН БА ЭРЭ ТАХЯА

(ОРОД ОНТОХОН)

Дэлхэй дээрэ үнэгэн шандаган хоёр һуужа байһан юм. Үнэгэниинь мүльһэн гэртэй, шандаганиинь холтоһон гэртэй байба

Урихан хабар ерэбэ. Үнэгэнэй гэрэй хайлашахада, шандаганай гэр хуушан хэбээрээл байжа байба

Үнэгэн шандаганһаа дулаасуулхые гуйжа ороод, шандагаяа үлдэжэрхибэ. Шандаган саашаа ошобо, уйлан ябаба, урдаһаань нохой ябаба

— Юундэ, шандаган, уйлаабши?

Шандаганиинь хэлэнэ

— Уйлангүй яахабиб! Би холтоһон гэртэй, үнэгэн мүльһэн гэртэй байһан юмди, теэд үнэгэн дулаасахамни гэжэ ороод, намайе үлдэжэрхёол даа

— Б ү уйла, шандагахан, уйд хар гашуудалдашни туһалхаб,— гэбэ нохой

Тиигээд гэртэнь ошобод. Нохой хусаба

— һаб, һаб, һаб, тонило эндэһээ, үнэгэн! Үнэгэн пеэшэн дээрэһээ харюусана

— һүрэжэ харайжа бодоо һаамни, хамаг юумэ бутараад унахал, хайша хайшаа сасаран байхал

Нохой айгаад, гүйжэ ябашаба.

Шандаган баһал уйлаһаар, саашаа ябаба. Урдаһаань баабгай ерэжэ ябаба

— Юундэ, шандагахан, уйлаабши

— Уйлангүй яахабиб! Би холтоһон гэртэй, үнэгэн мүльһэн гэртэй байһан юмди, тиигээд үнэгэн дулаасахамни гэжэ ороод, үлдэжэрхёол даа

— Б ү уйла, шандагахан, б и намнажа гаргахаб даа,— гэбэ баабгай

— Үгы, шадахагүйш! Нохой тэрэниие намнаад, гаргажа шадаагүй юм, тиһээ тиитэрээ ши гаргажа шадахагүйш даа

— Үгы, шадахаб.

Намнахаяа ошобод

— Тонило эндэхээ, үнэгэн! Тэрэнь пезшэн дээрэхээ дуугарна

— Һүрэжэ харайжа бодоо наамни, хамаг юумэ бутаран унахал, хайша хайшаа сасаран байхал

Баабгай айгаад, гүйжэ ябашаба.

Шандаган баһал уйлаһаар, саашаа ябаба. Урдаһаань хажуур үргэлһэн эрэ тахяа ерэбэ

— Ку-ка-ре-ку! Юундэ, шандаган, уйлаабши

— Уйлангүй яахаби! Би холтоһон гэртэй, үнэгэн мүлһэн гэртэй байһан юмди, тиигээд үнэгэн дулаасахамни гэжэ ороод, намайе үлдэжэрхёо

— Ябая, би үлдэжэ гаргахаб даа

— Үгы, үлдэжэ гаргажа шадахагүйш! Нохой үлдөөд, гаргажа шадаагүй юм, баабгай үлдөөд, гаргажа шадаагүй юм, тийһээ тиитэрээ ши гаргажа шадахагүйш даа

— Үгы, шадахаб

Гэртэнь дүтэлжэ ерэбэд

— Ку-ка-ре-ку! Хажуур нюргандаа үргэлөөд, үнэгы сабшажа алахаа ерээб! Пеэшэн дээрэхээ, үнэгэн, үтэр бушуу буу

Үнэгэн абьяень дууламсаараа айшаба

— Гуталаа үмдэжэ байнаб... — гэжэ харюусаба

Эрэ тахяань баһа

— Ку-ка-ре-ку! Хажуур нюргандаа үргэлөөд, үнэгы сабшажа алахаа ерээб! Пеэшэн дээрэхээ, үнэгэн, үтэр бушуу буу

Үнэгэниинь харюусаба

— Дэгэлээ үмдэжэ байнаб... Эрэ тахяа гурбадахяа хашхарба

— Ку-ка-ре-ку! Хажуур нюргандаа үргэлөөд, үнэгы сабшажа алахаа ерээб! Пеэшэн дээрэхээ, үнэгэн, үтэр бушуу буу

Үнэгэн гэрһээ һуга харайн гараад, һүүл гэрээшээ гүйжэ ябашаба. Харин эрэ тахяа шандаган хоёр холтоһон гэр соо орожо, ан-бун гэжэ, амгалан тайбан ажаһууһан юм хэн ха.

[www.nomoihan.com](http://www.nomoihan.com)